



# ВЫЛЬ СІЗЕН



ОТДЕЛ  
РЕЛИГИОЗНОГО  
ОБРАЗОВАНИЯ

ПАВЕЛ АПОСТОЛЛЭН  
ФЕССАЛОНИКА КАРЫН УЛЙСЬЁСЛЫ  
ЫСТЭМ КЫКЕТЙ ГОЖТЭТЭЗ

1-тй ЛЮКЕТ

<sup>1</sup>Павел, Силуан но Тимофей – Инмар Атаймы но Кузё-Инмар Иисус Христос бордын улйсь Фессалоникаысь черклы: <sup>2</sup>Инмар Атаймылэсь но Кузё-Инмарлэсь Иисус Христослэсь дэлэтсэ, каньыллыксэ тйледлы сйзиськомы.

<sup>3</sup>Агай-выньёс, ми котьку но тй понна Инмарлы тау карыны кулэ. Со шонер. Уго тйляд осконды кужмоя, куспады ог-огдэс яратонды но будэ. <sup>4</sup>Соин ик ми Инмарлэн черкъёсаз тйледын ушьясъкиськомы. Котькыче улляньёс, куректон-кайгуос пöлын улыса но, тй ваньзэ чидаськоды, оскон бордын кужмо сйлйськоды. <sup>5</sup>Соос луо Инмарлэн шонерлыко судэзлэн тодметъёсыз. Инмарлэн Эксэйлыказ пырыны ярамонэсь луон понна, тй куректон-кайгу чидано луйськоды. <sup>6</sup>Инмар шонерлэсьтэ: тйледыз сантэмасьёслы Со куректон-кайгуэн пунэмзэ берыктэ, <sup>7</sup>нош тйледлы, ултйям муртъёслы, Кузё-Инмар Иисус, Аслаз кужмо кылчиньёсыныз Инмысь лыктыкуз, милемын валче шумпотон сётоз. <sup>8</sup>Инмарез тодйсьтэмъёслы, Кузё-Инмармылэсь Иисус Христослэсь Зеч Иворзэ кабыл басьтйсьтэмъёслы гомась тыл пушкын Со пунэмзэ берыктоз. <sup>9</sup>Сыче адымиослэн азьпал адзöнзы – пумтэм вапумъёслы бырон. Кузё-Ин-

марлэн син азысьтыз, Солэн быдзымлыко пиштйсь данлыкез бордысь соос уллямын луозы. <sup>10</sup>Святойёсыз бордын данэ потыны, вань оскисьёслы паймыны луымон лыктон нуналаз, соос пöлын тй но луоды, малы ке шуоно, тй оскиды солы, мае ми тйледлы тодытймы. <sup>11</sup>Соин ик котьку но тй понна вöсяськиськомы: Инмар тйледыз öтем улонэзлы тупамонэсь мед кароз, Аслаз кужыменыз котькыче зеч уж лэсьтыны, оскондэс кужмоятыны Со зеч эриксэ мед сётоз шуыса. <sup>12</sup>Инмармылэн, Кузё-Инмарлэн Иисус Христослэн тйледлы сётэм дэлетэныз, Кузё-Инмармылэн Иисус Христослэн нимыз тй пыр данэ мед потоз, нош тй – Со пыр данэ мед потоды.

## 2-тй ЛЮКЕТ

<sup>1</sup>Агай-выньёсы, Кузё-Инмармылэн Иисус Христослэн лыктонэз но асьмелэн Соин огазе кариськонмы пумысен тйледыз туж куриськомы: <sup>2</sup>Куалектыса визьдэс эн ыштэ, дух пыр, кыл пыр, ыстэм гожтэт пыр но визьдэс медаз тугалэ, – со гожтэтэз, пе, ми ыстйськеммы, Христослэн нуналыз вуэ ни шуыса, пе, отын гожтэмын. <sup>3</sup>Нокин но, ноказыы но тйледыз медаз пöя: уго со нунал вуэмлэсь азьло, адямиос Инмарлэсь куштйськозы. Соку сьöлыклен адямиез, быронлэн пиез ассэ шара возьматоз, – <sup>4</sup>пумитьяськись\*, ассэ ваньмызлэсь вылйе

\* 2:4 Антихрист.

пуктоз, адямиослэсь Инмар яке святыня шуон-зылэсь но ассэ выліе пуктоз. Со Инмарлэн храмаз пуксёз но ассэ Инмар шуыса ялоз. <sup>5</sup>Уд ни то-дйське-а, эшшо тй дорын улыкум, та сярись тй-ледлы вералляй? <sup>6</sup>Табере тй тодйськоды, мар сое калык пöлы потыны уг на лэзы. <sup>7</sup>Уго али ик ини законлы пумит улон лушкемен ужа ини, но мар луоно, со уз луы со дырозь – пöлысьтызы кутыса возись басьтйськытозь. <sup>8</sup>Соку законлы пумит улйсь калык азе потоз, нош Кузё-Инмар Иисус шораз шокчыса сое виёз, Аслаз лыктонэныз сое пыраклы быдтоз. <sup>9</sup>Законлы пумит улйсьлы лык-тыны шайтан юрттоз. Олокыче но кужмоесь, пай-мымон тодметъёс, пöяськон пыр паймымон ужъёс лэсьтэмын луозы. <sup>10</sup>Быронэ мынйсьёс олокыче но шонертэм улонъёслэн визез суран-пожаназы сю-розы – утён ваись зэмлыкез яратонлэсь куштйсь-кемзы понна. <sup>11</sup>Соин сэрен, Инмар соослы йыро-мон уж лэзёз, соин ик соос öрекчаськонлы оскыны кутскозы. <sup>12</sup>Зэмлыклы оскымтэос, шонертэм уло-нэз яратйсьёс – ваньзы судить каремын луозы.

<sup>13</sup>Нош ми, Кузё-Инмарен яратэм агай-выньёсмы, тй понна ялан Инмарлы тау карыны кулэ, малы ке шуоно, кутсконысеныз ик Дух пыр дун-сьöлык-тэм карыса, зэмлыклы оскон пыр, Инмар тйледыз утиськон басьтон понна бырйиз. <sup>14</sup>Милям Зеч Иво-рез тодытонмы пыр, Кузё-Инмармылэн Иисус Христослэн пиштйсь данлыказ пыриськыны Со тйледыз öтиз уго. <sup>15</sup>Озыен, агай-выньёсы, юн сы-лэ, кылынымы вераса, ыстэм гожтэтъёсмы пыр дышетэммы бордын зол кырмиськыса улэ. <sup>16</sup>Нош

табере Ачиз Кузё-Инмармы Иисус Христос но асьмемыз яратйсь Инмар Атаймы Аслаз гажан-жалянэныз пумтэм вапумъёслы буйгатскон но оскиськон сётйсь, <sup>17</sup>сюлэмъестэс мед каньылатоз, зеч кыл вераны, зеч уж лэсьтыны тйледыз мед юнматоз.

### 3-тй ЛЮКЕТ

<sup>1</sup>Эшшо таёе веранэ вань на: агай-выньёсы, ми понна вёсяське. Тй дорын кадь ик, Кузё-Инмарлэн Зеч Иворез мукет интыосы но жоғ мед вёлмоз, данэ мед потоз. <sup>2</sup>Сөриськем, кескич адямиослэсь мозмытскыны ми мед быгатысалмы шуыса, ми понна вёсяське. Ваньмызлэн осконэз өвёл уго. <sup>3</sup>Но Кузё-Инмар оскиськымон, Со тйледыз юнматоз, шайтанлэсь утёз. <sup>4</sup>Кузё-Инмар бордын ми тйледлы оскиськомы, ми оскиськиськомы тй быдэсьяськоды, быдэсьялоды но сое, мае лэсьтыны ми тйледыз куриськомы-косйськомы. <sup>5</sup>Кузё-Инмар тйлесътыд сюлэмдэс Инмарез яратон пала, Христослэн чиданэз пала мед берыктоз.

<sup>6</sup>Агай-выньёсы, Кузё-Инмармылэн Иисус Христослэн нимыныз тйледыз куриськомы-косйськомы азытэмьяськыса, милесътым дышетэммес кабыл басьтытэк улйсь адямиослэсь палэнскыны. <sup>7</sup>Асьтэос тодйськоды, кызыы тй милесътым адзем карыса улыны кулэ. Ми тй дорын ур-вар поттыса өм улэ уго. <sup>8</sup>Нокинлэсь но так шоры няньзэ өм сие, ужаса улймы. Уй но нунал пёсятозямы ужа-

мы, акылляськытэк улыны тыршимы. <sup>9</sup>Соосты курыны милям правомы өвөлысь өвөл со, милесь-тым адзем карыны тйледлы пример сётон понна со. <sup>10</sup>Уго, куке ми тй дорын вал, тйледыз тазы улыны дышетймы: "Кин уг ужа, со уг сиы". <sup>11</sup>Ми кылймы, кызы тй пöлысь куд-огъёсыз азытэмьяськыса уло, номыр но кулэзэ уг лэсьто, пайдатэм ужъёсын выро. <sup>12</sup>Таёосты Кузё-Инмармылэн Иисус Христослэн нимыныз куриськомы, косйськомы, соос зйбыт-востэм мед ужалозы но ужаса поттэм няненызы көтсэс мед тырозы шуыса. <sup>13</sup>Нош тй, агай-выньёсы, зеч уж лэсьтэмысь эн дугдылэ. <sup>14</sup>Кин ке тйледлы ыстэм гожтэтысь милесьтым верам кылмес өз ке кылзйськы, сое синйылтыса возе. Возытэз валатон понна, соин кушып эн возе. <sup>15</sup>Но тй сое тушмон шуыса эн лыдылэ, агай-вындэс музэн визьмалэ-нодылэ сое.

<sup>16</sup>Тупаса улон ваись Кузё-Инмар тйледлы котьку но, котькытын но Ачиз каньыллык мед сётос. Кузё-Инмар ваньмыныды тйледын огазын мед улоз!

<sup>17</sup>Котькуд ыстэм гожтэтэлэсь зечкылан люкетсэ мон, Павел, ас кыным гожтыса тазы йылпумьясько: <sup>18</sup>Кузё-Инмармылэн Иисус Христослэн дәлетэз тй бордын, ваньды бордын мед улоз. Аминь.